

Հաստատված է
ՀՀ Գեղարքունիքի մարզպետի
2003թ-ի օգոստոսի 16-րդ շմամբ

ՀՀ Գեղարքունիքի
մարզպետ

Վ. Հակոբյան

7. 03 2003թ.

Տպագրված է 5 օրինակ

ՕՐԻՆԱԿ

Գ Ր Ա Ն Ց Վ Ա Ր Ե

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ԻՐԱՎԱԲԱՆԱԿԱՆ ԱՆՁԱՆՑ

ՊԵՏԱԿԱՆ ՈՒԳԻՍՏՐԻ

տարածքային բաժնում
գրանցման թիվ 25.2/0.00906

07.02.2003թ.

վկայական 03.26.057783

Պետական ռեգիստրի

տարածքային բաժնի պետ

08.04.2003թ.

Կ Ա Ն Ո Ն Ա Դ Ի Ր ՈՒ Թ Յ ՈՒ Ն

«ԳԵՂԱՐՔՈՒՆԻՔԻ ԵՐԿՐԱԳԻՏԱԿԱՆ ԹԱՆԳԱՐԱՆ»

ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ

Ք. ԳԱՎԱՌ-2003թ.

1.Գեղարքունիքի

1. «Գեղարքունիքի երկրագիտական քանգարան» պետական ոչ առևտրային կազմակերպություն/այսուհետ՝ կազմակերպություն/ շահույթ ստանալու մպատակ չհետապնդող, իրավաբանական անձի կարգավիճակ ունեցող, մշակութային գործունեություն իրականացնող պետական ոչ առևտրային կազմակերպություն է:
2. Կազմակերպությունը ստեղծվել է ՀՀ կառավարության 2002թ.-ի օգոստոսի 1-ի «Պետական ոչ առևտրային կազմակերպություններ ստեղծելու մասին» N 1410-Ն որոշմամբ և հանդիսանում է «Գեղարքունիքի մարզի երկրագիտական քանգարան» պետական հիմնարկի/ գրանցման ծածկագիրը՝ 10046322,վկայական NF 004636/ իրավահաջորդը:
3. Կազմակերպության հիմնադիրը Հայաստանի Հանրապետությունն է՝ ի դեմս Հայաստանի Հանրապետության կառավարության/ այսուհետ՝ հիմնադիր/:
4. Կազմակերպությունն իր գործունեության ընթացքում ղեկավարվում է Հայաստանի Հանրապետության օրենսդրությամբ և սույն կանոնադրությամբ:
5. Կազմակերպության գտնվելու վայրն է՝ ՀՀ Գեղարքունիքի մարզ, ք. Գավառ , Զոր. Անդրանիկի 32 ինդեքս 378630:
6. Կազմակերպությունը որպես սեփականություն ունի առանձնացված գույք և իր պարտավորությունների համար պատասխանատու է այդ գույքով: Կազմակերպությունը կարող է իր ամուսնից ձեռք բերել ու իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվորկամ պատասխանող: Հիմնադիրը պատասխանատվություն չի կրում կազմակերպության պարտավորությունների, իսկ կազմակերպությունը՝ հիմնադրի պարտավորությունների համար:
7. Կազմակերպության անվանումն է՝

Լքիվ անվանումը՝ «Գեղարքունիքի երկրագիտական քանգարան»
 պետական ոչ առևտրային կազմակերպությունը
 կրճատ անվանումը՝ «Գեղարքունիքի երկրագիտական քանգարան» ՊՈԱԿ
8. Կազմակերպությունն ունի ՀՀ պետական գինանշանի պատկերով և իր հայերեն անվանմամբ կլոր կնիք ինչպես նաև կարող է ունենալ ձևաթղթեր, խորհրդանիշ և անհատականացման այլ միջոցներ:
9. Կազմակերպությունն ունի ինքնուրույն հաշվեկշիռ և բանկային հաշիվ:
10. Կազմակերպությունն այլ կազմակերպության հիմնադիր կամ մասնակից կարող է հանդիսանալ միայն հիմնադրի որոշմամբ:
11. Կազմակերպությունը ՀՀ օրենսդրությամբ սահմանված կարգով կարող է համագործակցել ՀՀ և օտարերկրյա մշակութային, կրթական հաստատությունների և կազմակերպությունների հետ՝ քանգարանային գործի տեսական ու գիտագործնական խնդիրների վերաբերյալ համատեղ ծրագրերի մշակման և իրականացման նպատակով:
12. Կազմակերպությունում չեն թույլատրվում քաղաքական և կրոնական կազմակերպությունների ստեղծումն ու գործունեությունը:

2.Կազմակերպության գործունեության առարկան և նպատակները

13. Կազմակերպության գործունեության հիմնական նպատակը և առարկան մշակութային գործունեության իրականացումն է: Մշակութային գործունեությունը մշակութային արժեքների և առարկաների պահպանումը, ստեղծումը, տարածումը, մեկնաբանումը, մշակութային բարիքների՝ ծառայությունների և արտադրանքի / ապրանքների/ մատուցումն ու իրացումն է:

14. Կազմակերպությունն կարող է զբաղվել հիմնադրի կողմից սահմանված ձեռնարկատիրական գործունեության հետևյալ տեսակովներով՝
 ա/ հրատարակչական գործունեություն.
 բ/ հուշանվերների արտադրություն և իրացում
 իսկ լիցենզավորման ենթակա գործունեության տեսակներով միայն լիցենզիայի հիման վրա:
15. Կազմակերպությունն իր գործունեության նպատակներին համապատասխան՝
 ա/ կազմակերպում է ՀՀ Գեղարքունիքի մարզի պատմությունն ու մշակույթը ներկայացնող թանգարանային առարկաների և հավաքածուների հայտնաբերման, հավաքման, ուսումնասիրման, պահպանման, վերականգնման և հանրահռչակման գործընթացը:
 բ/ իրականացնում է թանգարանային հավաքածուների համալրում՝ նվիրաբերումների, կտակի, հանձնման, գնման եղանակներով:
 գ/ իրականացնում է կազմակերպության ամրացված / մշտական կամ ժամանակավոր պահպանության/, ինչպես նաև՝ համալրման նպատակով ձեռք բերված թանգարանային առարկաների և թանգարանային հավաքածուների հաշվառում.
 դ/կազմակերպում է թանգարանի մշտական և ժամանակավոր ցուցադրություններ
 ե/կազմակերպում է ցուցահանդեսներ՝ ինչպես կազմակերպության ամրացված, այնպես էլ իրավաբանական և ֆիզիկական անձանց պատկանող թանգարանային առարկաներով և թանգարանային հավաքածուներով
 զ/ ապահովում է կազմակերպության ամրացված թանգարանային առարկաների և թանգարանային հավաքածուների մատչելիությունը.
 է/իրականացնում է գիտալուսավորչական լաշխատանք, կազմակերպում դասախոսություններ, համաժողովներ
 ը/իրականացնում է գիտահետազոտական աշխատանք
 թ/պատրաստում և հրատարակում է գիտական աշխատություններ, մենագրություններ, հոդվածներ, ժողովածուներ, ուղեցույցներ, կատալոգներ, ինչպես նաև կազմակերպության գործունեության վերաբերյալ տեղեկատվական ու գովազդային նյութեր:
 ժ/ինքնուրույն է կազմում իր հիմնական գործունեության ընթացիկ և սոցիալ-տնտեսական զարգացման հեռանկարային ծրագրերը.
 ժա/ ձևավորում է իր տնտեսական զարգացման ծրագիրը , որոշում թանգարանի մշտական ցուցադրության այցելության մոտքավճարի չափը, մշտական ցուցադրության քաղաքականությունների /էքսկուրսիաների/, թանգարանի ծառայությունների մատուցման կարգն ու սակագները, եթե ՀՀ օրենսդրությամբ այլ բան նախատեսված չէ.
 ժբ/ ապահովում է կազմակերպության ամրացված շենքի պահպանության ու օգտագործման անհրաժեշտ պայմանակարգը / ռեժիմը / , իրականացնում է հակահրդեհային անվտանգության միջոցառումներ:

3. Կազմակերպության սեփականությունը, նրան ամրացված գույքը և ֆինանսատնտեսական գործունեությունը

16. Կազմակերպության սեփականությունը ձևավորվում է կազմակերպության հիմնադրման ժամանակ և հետագայում հիմնադրի կողմից սեփականության իրավունքով նրան հանձնվող, ինչպես նաև կազմակերպության գործունեության ընթացքում արտադրված ու ձեռք բերված գույքից:
 Կազմակերպության գույքի ձևավորման աղբյուր կարող են հանդիսանալ նաև ՀՀ և օտարերկրյա պետությունների իրավաբանական և ֆիզիկական անձանց կատարած ներդրումները, այդ թվում՝ բարերգործական, հովանավորչական, նպատակային նվիրատվություններն ու հատկացումները:

17. Կազմակերպությունն իրավունք ունի օրենքին, հիմնադրի որոշումներին և/կամ/ սույն կանոնադրությանը համապատասխան՝ իր հայեցողությամբ տիրապետել, տնօրինել և օգտագործել սեփականության իրավունքով իրեն պատկանող գույքը:
18. Կազմակերպությանը սեփականության իրավունքով պատկանող գույքի նկատմամբ հիմնադիրը չունի իրավունքներ, բացառությամբ կազմակերպության լուծարումից հետո մնացած գույքի:
19. Կազմակերպության սեփականության պահպանման հոգսը կրում է կազմակերպությունը:
20. Կազմակերպության սեփականության վրա կարող է բռնագանձում տարածվել միայն դատական կարգով:
21. Հիմնադրի որոշմամբ կազմակերպությանը անժամկետ ու անհատույց օգտագործման իրավունքով ամրացվում է ցանկացած գույք:
22. Հիմնադիրն իրավունք ունի հետ վերցնել իր կողմից կազմակերպությանը ամրացված գույքը:
23. Կազմակերպությունն իրավունք չունի ամրացված գույքը կամ դրա նկատմամբ իր իրավունքները օտարել, գրավ դնել, հանձնել անհատույց օգտագործման: Կազմակերպությունն իրավունք ունի իրեն ամրացված գույքը պետության անունից հանձնել վարձակալության, եթե դա արգելված չէ հիմնադրի որոշմամբ: Ամրացված գույքի վարձակալության ժամկետը մեկ տարուց ավելի չի կարող սահմանվել, բացառությամբ հիմնադրի կողմից սահմանված դեպքերի: Ամրացված գույքի օգտագործման արդյունքում կազմակերպության ստացած եկամուտները կազմակերպության սեփականությունն են:
- Կազմակերպությանն ամրացված գույքի օգտագործման ընթացքում առաջացած անբաժանելի բարելավումները հիմնադրի սեփականությունն են:
24. Հիմնադրի կողմից կազմակերպությանն ամրացված անշարժ գույքի կամ պետական պարտադիր գրանցման ենթակա գույքի նկատմամբ կազմակերպության օգտագործման իրավունքը ծագում է դրանց նկատմամբ իրավունքի պետական գրանցման պահից:
25. Կազմակերպությունն իրավունք չունի օտարել, գրավ դնել, հանձնել վարձակալության կազմակերպությանն ամրացված թանգարանային առարկաները և թանգարանային հավաքածուները:
- Կազմակերպությանն ամրացված թանգարանային առարկաների և թանգարանային հավաքածուների մշտական կամ ժամանակավոր պահպանության հանձնումը մեկ այլ իրավաբանական անձի իրականացվում է հիմնադրի կողմից լիազորված պետական մարմնի որոշմամբ և սահմանված կարգով:
- Կազմակերպությանն ամրացված թանգարանային առարկայի դուրս գրումը պետական հաշվառման գրանցամատյաններից իրականացվում է դրա քայքայման կամ ոչնչացման դեպքում՝ հիմնադրի կողմից լիազորված պետական մարմնի որոշմամբ և սահմանված կարգով:
26. Հիմնադիրը, հիմնադրի կողմից նախատեսված դեպքում լիազորված պետական մարմնին իրավունք ունի ստուգելու կազմակերպությանն ամրացված թանգարանային առարկաների և թանգարանային հավաքածուների ամբողջականությունն ու պահպանվածությունը՝ դրանց փաստացի առկայության և պետական հաշվառման փաստաթղթերի հետ համեմատության մրջնոցով:
27. Կազմակերպության գործունեության ընթացքում առաջացած շահույթն օգտագործում է սույն կանոնադրությամբ նախատեսված նպատակների իրականացման համար: Կազմակերպության շահույթի օգտագործման կարգը սահմանում է հիմնադիրը:
28. Կազմակերպության կողմից իր կարիքների համար գնումները կատարվում են «Գնումների մասին» ՀՀ օրենքով սահմանված կարգով: Պետական բյուջեով կազմակերպության համար ուղղակի-որեն նախատեսված միջոցների սահմաններում կազմակերպության կողմից պետությանը մատուցվող ծառայությունների, աշխատանքների և ապրանքների գնումն իրականացվում է մեկ աղբյուրից գնումների կատարման ձևով: Կազմակերպության կողմից պետությանը այլ ծառայություններ, աշխատանքներ կարող են մատուցվել կամ ապրանքներ իրացվել միայն «Գնումների մասին» ՀՀ օրենքով նախատեսված կարգով:

29. Կազմակերպությունը հարկերը, տուրքերը և պարտադիր այլ վճարները վճարում է շահույթ ստանալու նպատակ չհետապնդող կազմակերպությունների համար նախատեսված կարգով ու չափով:

30. Կազմակերպության ֆինանսատնտեսական գործունեության և ֆինանսական հաշվետվությունների արժանահավատությունը ենթակա է վերստուգման /աուդիտի/ լիազորված պետական մարմնի կողմից ընտրված անկախ աուդիտորական կազմակերպության կամ ՀՀ ֆինանսների և էկոնոմիկայի նախարարության ֆինանսական վերոհսկողության ստորաբաժանման կողմից:

4. Կազմակերպության կառավարումը

31. Կազմակերպության կառավարումը իրականացնում են հիմնադրի կողմից լիազորված պետական մարմինը՝ ՀՀ Գեղարքունիքի մարզպետը /այսուհետ՝ մարզպետ/, գործադիր մարմինը՝ տնօրեն, որը պաշտոնի նշանակվում և պաշտոնից ազատվում է օրենքով սահմանված կարգով:

32. Կազմակերպության հիմնական գործունեության հարցերի քննարկման, մասնագիտական և կազմակերպական աշխատանքների արդյունավետ իրականացման նպատակով՝ տնօրենին առընթեր ստեղծվում են խորհրդակցական մարմիններ՝ գիտական խորհուրդ, քանգարանային հավաքածուի-զննման հանձնաժողով:

Կազմակերպության խորհրդակցական մարմիններն իրենց գործառնություններն իրականացնում են հատուկ կանոնակարգերի հիման վրա:

Կազմակերպության խորհրդակցական մարմինների կազմում կարող են ընդգրկվել կազմակերպության մասնագետներ, այլ կազմակերպությունների ներկայացուցիչներ:

Կազմակերպության խորհրդակցական մարմինների կազմը և կանոնակարգերը՝ հաստատում է կազմակերպության տնօրենը՝ համաձայնեցնելով լիազորված պետական մարմնի հետ:

Կազմակերպության խորհրդակցական մարմինների որոշումներն իրականացվում են կազմակերպության տնօրենի հրամաններով:

33. Կազմակերպության հիմնադիրն ունի կազմակերպության գործունեությանը և կառավարմանը վերաբերող ցանկացած հարց վերջնական լուծելու իրավունք, բացառությամբ օրենքով նախատեսված դեպքերի:

34. Կազմակերպության հիմնադրի բացառիկ լիազորություններն են
ա/ կազմակերպության հիմնադրումն

բ/ կազմակերպության գործունեության առարկայի և նպատակների, այդ թվում՝ նրա կողմից իրականացվող ձեռնարկատիրական գործունեության տեսակների սահմանումը:

գ/ կազմակերպությանը սեփականության իրավունքով հանձնվող և / կամ/ ամրացվող՝ պետությանը պատկանող գույքի կազմի հաստատումը:

դ/ կազմակերպության կանոնադրության հաստատումը և դրանում փոփոխություններ կատարելը:

ե/ կազմակերպության կառավարման համակարգի սահմանումը

զ/ կազմակերպության վերակազմակերպումը և լուծարումը

է/ կազմակերպության լուծարման հանձնաժողովի նշանակումը և լուծարման հաշվեկշռի հաստատումը ը/ օրենքով և սույն կանոնադրությամբ նախատեսված այլ հարցերի լուծումը:

35. Կազմակերպության ընդհանուր կառավարումն իրականացնում է մարզպետը, որին ՀՀ կառավարության 2002թ.-ի օգոստոսի 1-ի N 1410-Ն որոշման 6-րդ կետով վերապահված են նաև «Պետական ոչ առևտրային կազմակերպության մասին» ՀՀ օրենքի 13-րդ հոդվածի 2-րդ մասի «Գ», «Դ», «Ե» և «Ը» կետերով /նույնը՝ սույն կանոնադրության 34-րդ կետի «Գ», «Դ», «Ե», «Ը» ենթակետերը/ նախատեսված լիազորությունները:

36. Մարզպետը՝

- ա/ ապահովում է կազմակերպության բնականոն գործունեությունը և պատասխանատվություն է կրում դրա չկատարման կամ ոչ պատշաճ իրականացման համար.
- բ/ սույն կանոնադրությամբ սահմանված կարգով պաշտոնի է նշանակվում և պաշտոնից ազատում է կազմակերպության տնօրենին.
- գ/ հաստատում է կազմակերպության տարեկան ծախսերի նախահաշիվը.
- դ/ իրականացնում է կազմակերպության գործունեության վերահսկողությունը.
- ե/ կասեցնում կամ ուժը կորցրած է ճանաչում կազմակերպության տնօրենի ՀՀ օրենսդրության պահանջների հակասող հրամանները, հրահանգները, կարգադրություններն ու ցուցումները.
- զ/ լսում է կազմակերպության գործունեության մասին հաշվետվություններ, քննում է դրա գործունեության վերստուգման արդյունքները.
- է/ հաստատում է կազմակերպությանը սեփականության իրավունքով հանձնվող և /կամ/ ամրագրվող՝ պետությանը պատկանող գույքի կազմը.
- ը/ վերահսկողություն է իրականացնում կազմակերպության ամրացված պետական սեփականության օգտագործման և պահպանության նկատմամբ.
- թ/ վերահսկողություն է իրականացնում կազմակերպության սեփականության պահպանության նկատմամբ, իսկ օրենքով, հիմնադրի որոշմամբ կամ սույն կանոնադրությամբ նախատեսված դեպքերում համաձայնություն է տալիս նրա գույքի օտարման կամ վարձակալության հանձնման համար.
- ժ/ հաստատում է կազմակերպության տարեկան հաշվետվություններն ու տարեկան հաշվեկշիռը.
- ժա/ իրականացնում է «Պետական ոչ առևտրային կազմակերպությունների մասին» ՀՀ օրենքով հիմնադրի որոշումներով և սույն կանոնադրությամբ նախատեսված այլ գործառնություններ:

37. Կազմակերպության ընթացիկ գործունեության ղեկավարումն իրականացնում է տնօրենը, որին նշանակում է պաշտոնի և պաշտոնից ազատում է մարզպետը:

Կազմակերպության տնօրենի հետ մարզպետը կնքվում է պայմանագիր: Պայմանագրով սահմանվում են կազմակերպության տնօրենի իրավունքները, պարտականությունները, պատասխանատվությունը և փոխհարաբերությունները լիազորված պետական մարմնի հետ, նրա աշխատանքի վարձատրման պայմանները, պայմանագրի դադարման՝ «Պետական ոչ առևտրային կազմակերպության մասին» ՀՀ օրենքով նախատեսված բոլոր հիմքերը և այլ դրությունները, որոնք պայմանավորվող կողմերը անհրաժեշտ կգտնեն: Պայմանագրի դրույթները չեն կարող հակասել ՀՀ աշխատանքային օրենսդրության պահանջներին, բացառությամբ օրենքով նախատեսված դեպքերի:

38. Կազմակերպության տնօրենը օրենքով, հիմնադրի և լիազորված պետական մարմնի որոշումներով ու կարգադրություններով սույն կանոնադրությամբ իրեն վերապահված լիազորությունների սահմաններում ղեկավարում է կազմակերպության գործունեությունը և կրում է պատասխանատվություն օրենքների, իրավական այլ ակտերի, հիմնադրի կամ նրա կողմից լիազորված պետական մարմնի որոշումների ու կարգադրությունների սույն կանոնադրության և կնքված պայմանագրերի պահանջները չկատարելու կամ ոչ պատշաճ կատարելու համար:

39. Կազմակերպության տնօրենը չի կարող զբաղեցնել այլ պաշտոն կամ կատարել վճարովի այլ աշխատանք, բացի գիտական, մանկավարժական և ստեղծագործական աշխատանքից:

40. Կազմակերպության տնօրենը լրիվ գույքային պատասխանատվություն է կրում իր մեղքով կազմակերպությանը և/ կամ/ պետությանը պատճառված վնասի համար: Նրա լիազորությունները դադարեցնում հիմք չէ պատճառված վնասը հատուցելու պարտականությունները չկատարելու համար:

41. Կազմակերպության տնօրենը պարտավոր է չկատարել հիմնադրի և լիազորված պետական մարմնի՝ ՀՀ օրենսդրությանը հակասող որոշումները, կարգադրությունները, հրամանները, հրահանգները և դրանց

չկատարման համար չի կարող ենթարկվել պատասխանատվության:

42. Կազմակերպության տնօրենի բացակայության դեպքում մարզպետի կարգադրության համաձայն տնօրենի լիազորություններն իրականացնում է կազմակերպության այլ անձ:

43. Կազմակերպության տնօրենը՝

ա/առանց լիազորագրի հանդես է գալիս կազմակերպության անունից, ներկայացնում է նրա շահերը և կնքում է գործարքներ.

բ/ՀՀ օրենսդրությամբ, հիմնադրի և մարզպետի որոշումներով ու կարգադրություններով և սույն կանոնադրությամբ սահմանված կարգով տնօրինում է կազմակերպության գույքը, այդ թվում՝ ֆինանսական միջոցները.

գ/տալիս է կազմակերպության անունից հանդես գալու լիազորագրեր, այդ թվում՝ վերալիազորման իրավունքով լիազորագրեր.

դ/աշխատանքի է նշանակում և աշխատանքից ազատում կազմակերպության աշխատակիցներին, նրանց նկատմամբ կիրառում է խրախուսման միջոցներ և նշանակում կարգապահական տույժեր.

ե/բանկերում բացում է հաշվարկային հաշիվներ.

զ/սահմանում է կազմակերպության կառուցվածքն ու կառուցվածքային ստորաբաժանումների իրավասությունը.

է/սահմանված կարգով լիազորված պետական մարմինն է ներկայացնում կազմակերպության տարեկան ծախսերի նախահաշիվը.

ը/հաստատում է ձեռնարկատիրական գործունեության եկամուտների և ծախսերի նախահաշիվը ք/օրենքով և սույն կանոնադրությամբ սահմանված կարգով իր լիազորությունների սահմաններում արձակում է հրամաններ, հրահանգներ, տալիս կատարման համար պարտադիր ցուցումներ և վերահսկում դրանց կատարումը.

ժ/կազմակերպում է կազմակերպությանն անժամկետ ու անհատույց օգտագործման իրավունքով ամրացված շենքերի նախագծային, շինարարական, վերանորոգման և այլ աշխատանքներ.

ժա/ որոշում է կայացնում կազմակերպության տրանսպորտային միջոցների օգտագործման վերաբերյալ.

ժբ/ ստորագրում է ֆինանսական փաստաթղթեր.

ժգ/ իրականացնում է ֆինանսական և արտադրական գործունեությանը վերաբերող այլ խնդիրներ.

ժդ/ հաստատում է կազմակերպության հաստիքացուցակը և ֆինանսական-արտադրական գործունեության ծրագիրը.

ժե/լուծում է կազմակերպությանը սեփականության իրավունքով պատկանող գույքը իրավաբանական և ֆիզիկական անձանց վարձակալության հանձնելու հարցերը.

ժզ/որոշում է ընդունում կազմակերպության ֆինանսական միջոցների օգտագործման վերաբերյալ.

ժէ/ մարզպետի հաստատման է ներկայացնում կազմակերպության կառուցվածքը,

աշխատողների թիվը, հաստատում է կազմակերպության ընդհանուր և առանձին կառուցվածքային ստորաբաժանումների կանոնակարգերը, ներքին կարգապահական և այլ կանոններ.

ժը/ հաստատում է կազմակերպության գործունեության ներքին փաստաթղթերը, կազմակերպությանն ամրացված քանգարանային առարկաների և քանգարանային հավաքածուների ընդունման-հանձնման ակտերը.

ժր/իրականացնում է ՀՀ օրենսդրությանը չհակասող այլ լիազորություններ:

44. Կազմակերպության աշխատողների իրավունքներն ու պարտականությունները սահմանվում են Հայաստանի Հանրապետության օրենսդրությամբ , սույն կանոնադրությամբ , աշխատանքային պայմանագրով,

կազմակերպության առանձին ստորաբաժանումների ու աշխատանքային ներքին կանոնակարգերով և այլ իրավական ակտերով:

45. Կազմակերպության լիազորված պետական մարմնի ղեկավարը, կազմակերպության տնօրենը կազմակերպության անունից հանդես գալիս պետք է գործեն բարեխղճորեն և ողջամտորեն՝ ի շահ իրենց կողմից ներկայացվող պետական կազմակերպության:

5. Կազմակերպության վերակազմակերպումը և լուծարումը

46. Կազմակերպությունը կարող է վերակազմակերպվել հիմնադրի որոշմամբ, ՀՀ քաղաքացիական օրենսգրքով սահմանված կարգով:

47. Կազմակերպությունը դատական կարգով կարող է վերակազմակերպվել օրենքով սահմանված դեպքերում և կարգով:

48. Կազմակերպության լուծարմամբ նրա գործունեությունը դադարում է առանց իրավունքները և պարտականությունները իրավահաջորդության կարգով այլ անձանց անցնելու:

49. Կազմակերպությունը կարող է լուծարվել հիմնադրի որոշմամբ, Հայաստանի Հանրապետության քաղաքացիական օրենսգրքով սահմանված կարգով:


Կազմակերպությունը կարող է լուծարվել նաև սնանկության հետևանքով:

50. Կազմակերպությունը դատական կարգով կարող է լուծարվել միայն օրենքով սահմանված դեպքերում և կարգով:

51. Կազմակերպության լուծարման դեպքում կազմակերպության պարտատերերի պահանջները բավարարելուց հետո մնացած գույքն ուղղվում է պետական բյուջե:

Սույն կանոնադրությունը մշակվել է « ՀՀ քաղաքացիական օրենսգրքի», «Պետական ոչ առևտրային կազմակերպությունների մասին» ՀՀ օրենքի հիման վրա, քննարկվել և ընդունվել է կոլեկտիվի ընդհանուր ժողովի 2003թ.-ի հունվարի 29-ի նիստում:

ՀՀ Գեղարքունիքի մարզի երկրագիտական քանգարանի

տնօրեն  *Բ. ՀՈՎԵՅԱՆ*